

## Nýutkomin auglýsing.

Auglýsing um borgun fyrir brjefspjöld milli hins danska og hins íslenska póst-umdæmis. Gefin út 18. dag maímanaðar 1880, birt í deildinni A. bls. 36—37.

Opna brjefið frá 2. marz 1880 um alþingiskosningarnar, er auglýst var 19. s. m., að komið hefði út, sjá bls. 41 hjer að framan, hefir nú verið prentað í deildinni A. bls. 34—35.

— *Brjef landshöfðingja til sýslumannsins í Mýra- og Borgarfjarðarsýslu um lán* **86**  
 handa sýslunefnd. — Samkvæmt beiðni sýslunefndarinnar í Borgarfjarðarsýslu, er **15. maí.**  
 hefir tekið að sjer að sjá um, að barnaskólahúsið á Akranesi verði fullgert, veitist henni  
 til þessa úr viðlagasjóði 800 kr. lán, er mun geta fengizt út borguð í næstkomanda  
 júní gjalddaga með þessum skilyrðum:

- 1, að sýslunefndin eða oddviti hennar fyrir hennar hönd gefi út skuldabryef fyrir þessu láni;
- 2, að greiddir verði af láninu 4% ársvextir;
- 3, að lánið verði endurborgað með 400 kr. fyrir 11. desbr. 1880 og 400 kr. fyrir 11. desbr. 1881.

Þetta er tjáð yður, herra sýslumaður, til þóknanlegrar leiðbeiningar og ráðstafanar.

— *Brjef landshöfðingja til póstmeistara um póstgjald fyrir hektograferuð* **87**  
 og polygraferuð blöð. — Samkvæmt brjefi ráðgjafans fyrir Ísland dags. 10. apr. **24. maí.**  
 þ. á. og ákvörðunum, er gjörðar hafa verið um póstsendingar milli Danmerkur og ann-  
 ara ríkja, vil jeg tjá yður herra póstmeistari til þóknanlegrar leiðbeiningar og athugunar,  
 að blöð, sem rituð eru með «hektograf», «polygraf» eða á annan slíkan hátt, skulu með-  
 höndluð sem almennar brjefsendingar, þó skal því að eins heimta hjer á landi aukaburð-  
 argjald af slíkum sendingum, er kynnu að koma hingað með ónógum póstmerkjum frá  
 öðrum löndum en Danmörku, að þau sjeu merkt stafnum T. Komi hektograferuð eða  
 polygraferuð blöð fyrir í innanlandspóstsendingum, ber að fara með þau alveg eins og  
 með venjuleg brjef, samkvæmt 1. gr. a. laga 15. okt. 1875.

— *Brjef ráðgjafans fyrir Ísland til landshöfðingja um fyrirlestra á presta-* **88**  
*skólanum.* — Með brjefi frá 13. marz þ. á. hafið þjer, herra landshöfðingi, sent **25. maí.**  
 hingað ályktun neðri deildar alþingis þess, sem haldið var í fyrra sumar, þar sem skor-  
 að er á yður að hlutast til um, að kennararnir við prestaskólann láti prenta fyrirlestra  
 sína, eða gefi út kennslubækur í þeim námsgreinum, sem þeir kenni, og hafið þjer, um  
 leið og þjer skirskotið til álitsskjala þeirra, sem þjer af þessu tilefni hafið útvegað frá  
 kennurum prestaskólans og frá stíptsyfirvöldunum, látið ráðgjafanum í ljósi yðar eigin  
 þóknanlegrar tillögu um málið.

Fyrir því skal þjónustusamlega skorað á yður, að hlutast þóknanlega til um, að  
 forstöðumanni tjeðrar menntastofnunar verði til kynnt, að ráðgjafinn með tilliti til hins

Hinn 26. júní 1880.

**88** stutta námstíma, hljóti að álíta það óskilegt, að kennararnir takmarki, sem mest má  
25. maí. verða, fyrirlestra, sem þarf að skrifa upp, og að þess vegna verði skorað á kennarana, annaðhvort að láta prenta fyrirlestra sína, eða þá stuttar kennslubækur í vísindagreinum þeim, er þeir kenna, og má búast við, að til þess verði veittur styrkur af fje því, sem ætlað er til vísindalegra fyrirtækja í fjárlögunum, ellegar að nota þær kennslubækur, sem aðrir rithöfundar hafa samið á íslensku, dönsku eða þýzku, og sem þeir kynnu að álíta vel fallnar til að við hafast sem undirstaða eða viðauki við fyrirlestrana.

**89** — Brjef ráðgjafans fyrir Ísland til landshöfðingja um reglur fyrir byggingu  
25. maí. á þjóðjörðum. — Með þóknanlegu brjefi frá 19. febrúar þ. á. hafið þjer, herra landshöfðingi, sent hingað ályktun alþingis í fyrra, þar sem þingið lætur í ljósi álit sitt um reglur þær, er fylgja skuli við bygging þjóðjarða, og hafið þjer þar að auki skýrt ráðgjafanum frá yðar eigin skoðunum og tillögum lútandi að þessu máli.

Þar eð ráðgjafinn hefir í aðalatriðunum getað fallizt á athugasemdir þær og tillögur, sem þjer, herra landshöfðingi, hafið gert í þessu tilliti, eru hjer með eptirfylgjandi reglur ákveðnar, er gæta skal, þegar fyr nefndar jarðir verða byggðar eptirleiðis:

1. Landskuldina af jörðum landssjóðsins ber eptirleiðis að ákveða í byggingarbrjefunum eptir meðalverði allra meðalverða, er greiðist annaðhvort í peningum eða «innskript» hjá kaupmönnum, sem hlutadeigandi umbodsmáður tekur gilda, eða þá með eptirnefndum landaurum: sauðfjenaði, hvítri ull, smjöri, fiski og dún, eptir því verði, sem sett er á aura þessa í verðlagsskrá ár hvert, enda sje það verð eigi hærra, en gangverð í gjalddaga. Í staðinu fyrir aukakvaðir þær, sem hingað til hafa verið áskildar í einstökum byggingarbrjefum, svo sem mannslán, hrishesta, dagsláttur og þess konar, skal framvegis hækka landskuldina að rjettri tiltölu við verðhæð kvaðanna.

Samkvæmt ákvörðun þessari skal við næstu ábúanda skipti á jörð hverri ákveða landskuldina eptir meðalverði allra meðalverða; en það er geymt síðari tímum að gera út um það, hvort fylgja skuli fram reglu þessari með tilliti til þjóðjarða þeirra í vestur-umdæminu, þar sem ábúöndunum nú um stund er veitt tilslökun í greiðslu landskuldarinnar.

Í byggingarbrjefum þeim, sem hjer eptir verða útgefin fyrir þjóðjörðum í Arnarstapa umbodí, verður að gjöra þá ákvörðun, að leiguliðar megi ekki leigja öðrum út frá sjer tómthús þau, er fylgja jörðunum, öðruvísi en gegn eptirgjaldi annaðhvort í peningum eða landaurum.

2. Eptirleiðis skal í byggingarbrjefum ákveða kúgilda-leigurnar eptir meðalverði allra meðalverða eða eptir verði á smjöri, og ber að greiða þær á sama hátt, sem að ofan er ákveðið um landsskuldargjaldið.

3. Gjöra skal þjóðjarðalandsetum kost á, að greiða gjöld þau, sem nú eru ákveðin í byggingarbrjefunum, eptir meðalverði allra meðalverða þannig, að hið nýja álnatal finnist með því að leggja gjöld þau saman, er leiguliðinn hefur greitt næstliðin 5 ár, reiknuð til peninga og skipta síðan samanlögðu upphæðinni með meðaltali á meðalverði allra meðalverða, hin nefndu fimm ár. Sama kost ber og að gjöra leiguliðunum á þjóðjörðum á Vestmannaeyjum.

4. Þegar byggingarskilmálar eru eptirleiðis ákveðin í byggingarbrjefum, verður að hafa tillit til skýrslna þeirra og uppástungna, sem eru útvegaðar samkvæmt fyrirmælum landshöfðingja í umburðarbrjefi frá 19. september 1877, og sem hafa verið bornar